

PWYLLGOR

PWYLLGOR LLYWODRAETHU AC ARCHWILIO

DYDDIAD

10 HYDREF 2024

TEITL

GWEITHREDU PENDERFYNIADAU Y PWYLLGOR

PWRPAS YR ADRODDIAD

CYFLWYNO DIWEDDARIAD AR WEITHREDU PENDERFYNIADAU  
BLAENOROL Y PWYLLGOR

AWDUR

DEWI MORGAN, PENNAETH CYLLID

GWEITHREDIAD

ER GWYBODAETH

## 1. CYFLWYNIAD

- 1.1 Pwrpas yr adroddiad yma yw rhoi amlinelliad o sut mae adrannau'r Cyngor wedi ymateb i benderfyniadau'r Pwyllgor Llywodraeth ac Archwilio, fel bod modd i'r aelodau gael sicrwydd fod eu penderfyniadau yn cael sylw.
- 1.2 Mae hyn yn cyfrannu at roi sicrwydd i'r aelodau fod trefniadau llywodraethu'r Cyngor yn gweithredu'n effeithiol.
- 1.3 Mae'r eitem hon yn gyfle i holl aelodau'r Pwyllgor Llywodraethu ac Archwilio ystyried y penderfyniadau a wnaed. Lle mae'r weithrediad wedi ei gwblhau, neu lle nad oedd gweithrediad pellach yn angenrheidiol, mae'r llinell yn cael ei dynnu o'r tabl ar ôl i'r Pwyllgor ystyried y mater.

## 2. PENDERFYNIADAU ERS SEFYLDU'R CYNGOR NEWYDD (MAI 2022)

### Cyfarfod 9 Chwefror 2023

| Eitem   | Penderfyniad  | Diweddariad  |
|---|---|--|
| DIWEDDARIAD AR ADRODDIADAU SYDD WEDI EU CYHOEDDI YN DDIWEDDAR GAN ARCHWILIO CYMRU | <ul style="list-style-type: none"><li>Derbyn yr adroddiad ac ymateb y rheolwyr i argymhellion 'Trefniadau ar gyfer ymateb i Ddeddf Llywodraeth Leol ac Etholiadau (Cymru) 2021</li><li>Cyflwyno adroddiad ymhen 6 mis i ddiweddarau'r Pwyllgor ar drosglwyddo swyddogaethau Bwrdd Uchelgais Economaidd Gogledd Cymru i is-bwyllgor grymusol Cydbwyllgor Corfforedig y Gogledd fel bod modd symleiddio llywodraethu ac osgoi dyblygu rhwng y ddau gorff</li><li>Derbyn yr adroddiad ac ymateb y rheolwyr i argymhellion "Diweddariad ar Gynnydd Datgarboneiddio"</li></ul> | <b>O safbwynt trosglwyddo swyddogaethau Bwrdd Uchelgais Economaidd Gogledd Cymru i is-bwyllgor grymusol Cydbwyllgor Corfforedig y Gogledd, mae'r cynllun yn symud yn ei flaen ar lefel rhanbarthol. Y dyddiad targed trosglwyddo bellach yw 1 Tachwedd 2024.</b> |

## Cyfarfod 25 Mai 2023

| Eitem   | Penderfyniad  | Diweddariad   |
|---|---|---|
| ADRODDIAD<br>BLYNYDDOL<br>PENNAETH<br>ARCHWILIO<br>MEWNOL | <ul style="list-style-type: none"> <li>Derbyn yr adroddiad yn unol a gofynion Safonau Archwilio Mewnol y Sector Gyhoeddus am y flwyddyn ariannol 2022/23.</li> <li>Ail-sefydlu Gweithgor Gwella Rheolaethau.</li> </ul> | <b>Bydd y Gweithgor Gwella Rheolaethau yn cael ei sefydlu pan fydd meysydd yn cael eu hadnabod.</b> |

## Cyfarfod 5 Medi 2024

| Eitem  | Penderfyniad  | Diweddariad  |
|--|---|--|
| GWEITHREDU<br>PENDERFYNIADAU'R<br>CYNGOR                                     | <p>Derbyn cynnwys yr adroddiad.</p> <p>Nodyn: Ychwanegu i'r daflen penderfyniad:</p> <ul style="list-style-type: none"> <li>Bod angen cynnal sesiwn gwybodaeth ar y maes digartrefedd i aelodau'r Pwyllgor ddeall y maes yn well ac i ddeall y rhesymau pam fod costau yn y maes mor uchel</li> <li>Dymuniad y Pwyllgor i dderbyn hyfforddiant Ffordd Gwynedd</li> </ul>  | <b>Mae gwaith yn mynd rhagddo i adnabod a llunio sesiynau gwybodaeth ar hyn o bryd gyda'r bwriad o'u cynnal yn ystod hydref 2024.</b>  |
| DATGANIAD O<br>GYFRIFON  | <p>Derbyn yr adroddiad.</p> <p>Cymeradwyo:</p> <ul style="list-style-type: none"> <li>Cyfrif Incwm a Gwariant Refeniw 2023/24</li> <li>Ffurflen Flynyddol ar gyfer y Flwyddyn a ddaeth i ben 31 Mawrth 2024, yn amodol ar archwiliad gan Archwilio Cymru</li> </ul>   | <b>Dim gweithrediad pellach</b>  |
| DATGANIAD<br>LLYWODRAETHU<br>BLYNYDDOL<br>CYNGOR GWYNEDD<br>AR GYFER 2023/24 | <p>Derbyn yr adroddiad.</p> <p>Cymeradwyo'r Datganiad Llywodraethu Blynyddol ac argymhell fod Arweinydd y Cyngor a'r Prif Weithredwr yn ei arwyddo</p> <p>Nodyn:</p> <ul style="list-style-type: none"> <li>Angen ail ystyried sgôr tebygolrwydd Cyfreithlondeb</li> <li>Angen ystyried adolygu'r cwestiynau ac addasu'r ddogfen i fod yn eglur i drigolion Gwynedd - er yn cydymffurfio â chanllawiau CIPFA, awgrym i ystyried cyfuno gyda'r asesiad o drefniadau llywodraethu sydd wedi ei gynnwys yn Hunanasesiad Cyngor Gwynedd i osgoi dyblygu gwaith</li> </ul> | <p><b>Mae'r sgôr Cyfreithlondeb wedi cael ei ystyried gan y Grŵp Llywodraethu (gan gynnwys y Swyddog Monitro) sydd wedi dod i gasgliad fod y sgôr presennol yn briodol.</b></p> <p><b>Bydd arddull y dogfen yn cael ei ystyried wrth baratoi Datganiad 2025.</b></p> |
| RHEOLAETH<br>TRYSORLYS 2023/24   | Derbyn yr adroddiad er gwybodaeth.  | <b>Dim gweithrediad pellach</b>  |
| ARCHWILIO Cymru –<br>DIWEDDARIAD<br>CHWARTER 1                               | <p>Derbyn yr adroddiad.</p> <p>Nodyn:</p> <ul style="list-style-type: none"> <li>Gwaith Archwilio Perfformiad 'Prosiect Lleol – Gwastraff ac Ailgylchu' – angen pwysu i gadarnhau'r amserlen</li> </ul>   | <b>Rhagwelir y bydd cadarnhad os bydd y gwaith yn mynd yn ei flaen a'i peidio yn niweddariad Chwarter 2.</b>   |

|   |  |  |
|---|--|--|
| <p>ARCHWILIO CYMRU<br/>– CRYNODEB<br/>ARCHWILIO<br/>BLYNYDDOL 2023 A<br/>CHYNLLUN<br/>ARCHWILIO MANWL<br/>2024 CYNGOR<br/>GWYNEDD</p> | <p>Derbyn Crynodeb 2023 a derbyn y Cynllun Manwl.</p>  | <p><b>Dim gweithrediad pellach</b></p>   |
| <p>ADRODDIAD<br/>AROLYGIAD<br/>GWASANAETH<br/>CYFIAWNDER<br/>IEUENCTID<br/>GWYNEDD AC YNYS<br/>MON</p>                                | <p>Derbyn yr adroddiad ar ganlyniad ac argymhellion yr arolwg.</p> <p>Llongyfarch y Gwasanaeth ar ganlyniadau'r arolygiad</p>  | <p><b>Dim gweithrediad pellach</b></p>   |
| <p>ADRODDIAD<br/>PERFFORMIAD<br/>BLYNYDDOL AC<br/>HUNANASESIAD<br/>(drafft) CYNGOR<br/>GWYNEDD 2023/24</p>                            | <p>Derbyn yr Adroddiad Perfformiad Blynyddol a'r Hunanasesiad Drafft 2023/24.</p> <p>Nodyn:</p> <ol style="list-style-type: none"> <li>1. Angen ystyried trefniadau ymgynghori priodol i'r dyfodol i sicrhau mewnbwn trigolion Gwynedd yn y broses</li> <li>2. Angen cynnwys y Pwyllgor yn gynharach yn y broses – awgrym i gynnal gweithdy gyda'r Aelodau fel bod y Pwyllgor yn cael mewnbwn a gwell cyfle i gynnig argymhellion</li> <li>3. Wrth gyflwyno data – angen sicrhau eglurhad llawn e.e, osogi categorïau ieithyddol mewn ysgolion uwchradd</li> <li>4. Cynyddu Cyflenwad o Dai i Bobl Leol - angen amlygu'r effaith ac nid y nifer yn unig</li> </ol> <p>Prosiectau Gwynedd Yfory</p> <ul style="list-style-type: none"> <li>• Moderneiddio Adeiladau ac Amgylchedd Dysgu - ychwanegu bod arolygiad RAC wedi ei gynnal</li> <li>• Hyrwyddo Llesiant Plant a Phobl Ifanc - ychwanegu bod cynlluniau / ymgyrchoedd yn eu lle gan yr Adran Addysg i wella presenoldeb disgyblion</li> <li>• Ymestyn Cyfleoedd Chwarae a Chymdeithasu – ychwaegu cefnogaeth arainnol ychwanegol gan y Cyngor i Ganolfannau Bwy'n Iach – hyn wedi bod yn benderfyniad positif</li> </ul> | <p><b>1. Mae bwriad i gymeryd rhan yn yr Arolwg Preswylwyr Cenedlaethol sy'n cael ei gydlynu gan Data Cymru a Chymdeithas Llywodraeth Leol Cymru yn fuan yn ystod 2025, gyda unrhyw adborth yn bwydo i mewn i hunanasesiadau yn y dyfodol.</b></p> <p><b>2. Gwaith yn mynd rhagddo i geisio adnabod y ffordd orau i gael mewnbwn gan y Pwyllgor yn gynt yn y broses.</b></p> <p><b>3. Y fersiwn drafft a gyflwynwyd i'r Pwyllgor Llywodraethu ac Archwilio wedi ei haddasu ar gyfer ei chyflwyno i'r Cabinet a'r Cyngor Llawn er mwyn rhoi eglurhad llawn.</b></p> <p><b>4. Bydd hyn yn digwydd ar lafar wrth gyflwyno'r adroddiad i'r Cabinet a'r Cyngor Llawn.</b></p> |

|                         |   |  |
|-------------------------|---|--|
| BLAEN RAGLEN Y PWYLLGOR | Derbyn y Rhaglen waith ar gyfer Medi 2024 - Medi 2025.<br>Nodyn: <ul style="list-style-type: none"><li>Ystyried pryd fyddai'n addas adolygu Rhaglen Waith Hunanasesiad y Pwyllgor</li></ul> | <b>Wedi cynnwys eitem ar y blaenraglen sy'n eitem ar wahân ar raglen y Pwyllgor, i'w drafod yng nghyfarfod 16 Ionawr 2025.</b> |
|-------------------------|---|--|

### 3. ARGYMHELLIAD

- 3.1 Gofynnir i'r Pwyllgor Llywodraethu ac Archwilio ystyried cynnwys y tablau uchod a chynnig unrhyw sylwadau.